



Deres ref:

Vår ref:

Sakshandsamar:
Finn-Arild Bystrøm

Arkivkode:

Dato:
26.03.2020

Forskrift: Utvida karantenepåbod for fastbuande og forbod mot innreise for personar som bur utanfor regionen – Seljord kommune

Godkjent av (x)	Ordførar	x	Rådmann	x	Kommunelege	x
-----------------	----------	---	---------	---	-------------	---

Heimel: Fastsatt av smittevernlegen i Seljord kommune 26. mars 2020 med heimel i lov 5. august 1994 nr. 55 om vern mot smittsame sjukdommar § 4-1 femte ledd, jf. første ledd.

For å stoppe spreiring av Covid-19, beskytte sårbare grupper og bidra til å oppretthalde naudsynnte helse- og omsorgstenester har Seljord kommune v/kommuneoverlegen med heimel i smittevernlova § 4-1 femte ledd, jf. første ledd – og med tilvising til Folkehelseinstituttets råd – vedtatt følgende lokale forskrift:

§ 1 Vedtaket omfattar fylgjande område:

Alle fylke og kommunar i Noreg, med unnatak av Seljord, Kviteseid, Vinje, Tokke, Fyresdal, Nissedal, Midt-Telemark, Hjartdal, Notodden og Tinn.

§ 2 Utvida karantenepåbod for fastbuande i Seljord

Alle fastbuande som har vore utanfor Seljord kommune i område nemnt i § 1 skal i heimekarantene i 14 dagar etter tilbakekomst til kommunen, med unnatak av reise til dei kommunane som er nemnt med namn i § 1.

Dette gjeld også arbeidspendlarar som pendlar ut frå kommunen. Husstandsmedlemer er ikkje omfatta av forskrifta.

Det er ikkje utreiseforbod om ein er pålagt heimekarantene, men ein ny karanteneperiode vil starte opp ved ny ankomst til kommunen.

§ 3 Innreiseforbod

Alle som har opphald i område nemnd i § 1 har forbod mot å reise inn til Seljord kommune, med unntak for dei kommunar som er nemnt med namn i § 1.



Dette gjeld også arbeidstakarar som pendlar inn til arbeidsplassar i Seljord kommune så sant ein ikkje utfører samfunnskritiske oppgåver.

§ 4 For personar som utviklar sjukdom eller symptom i karanteneperioden, gjeld dei føringane som til ei kvar tid kjem frå myndigheitene for omgjerung av karantene til isolasjon.

§ 5 Reisande som ikkje har symptom kan reise til planlagt opphaldsstad, men bør under reisa så langt det let seg gjere halde avstand til andre. Reisande med symptom skal umiddelbart i isolering, og kan ikkje bruke offentleg transport.

§ 6 Unntak frå denne lokale forskrifts karantenekrav

- Leiing av verksemder som er lista etter DSB sin definisjon av samfunnskritiske funksjonar vert gjeve adgang til å gjere unntak for eige nøkkelpersonell når dette er strengt naudsynt for å oppretthalde forsvarleg drift av kritiske samfunnsfunksjonar.
- Førar og personell av vare- og passasjertransport. Dette omfattar òg personell som er naudsynt for å gjennomføre transporten.
- Medisinske naudsynte besøk til helseverksemder er ikkje omfatta av karantene reglane.
- Det er unntak for innreiseforbodet for besøk til alvorleg sjuke familiemedlemmar og deltaking i gravferd.
- Leiinga av lokal næringsverksemd i kommunen kan søkje kommunen om unntak frå innreiseforbodet for eigne tilsette når dette er nødvendig for normal drift i eiga verksemd.
- Alle verksemder som søker om unntak må leggje fram ein smittevernplan for verksemda.

Nasjonale føringar for karantene og isolasjon ved sjukdom gjeld.

§ 7 Klageadgang

Fylkesmannen avgjer klage over kommunalt eller interkommunalt vedtak såframt ikkje noe anna er bestemt i lova.

§ 8 Økonomisk ansvar

Seljord kommune påtek seg ikkje økonomisk ansvar som følge av pålagte tiltak.



§ 9 Ikrafttredelse og varigheit

Denne forskrifta gjeld frå torsdag 26. mars 2020 kl. 1500 og gjeld i 7 dagar.

Øvrig informasjon

Rettsleg grunnlag:

Smittevernlova § 4-1 femte ledd gjev kommuneoverlegen, i kommunestyret sin stad, heimel til å sette i verk ulike tiltak i hastesaker, når det er naudsynt for å førebygge ein allmennfarleg smittsam sjukdom eller motverke at den vert overført i befolkninga. Aktuelle tiltak går fram av bestemmelsens første ledd bokstavane a til e.

Grunnleggande krav ved iverksetting av tiltak etter § 4-1 går fram av smittevernlova § 1-5: "Smitteverntiltak etter loven skal være basert på en klar medisinskfaglig begrunnelse, være nødvendig av omsyn til smittevernet og fremstå tenleg etter en heilskapeleg vurdering. Ved iverksettelse av smitteverntiltak skal det leggas vekt på frivillig medverkinga frå den eller de tiltaket gjelder.

Tvangstiltak kan ikkje brukas når det etter sakens art og forholdene elles vil være et uforholdsmessig inngrep."

Det vert og synt til Helse og omsorgsdepartementet vedtak av 13-03-20 om Forskrift om karantene mv. etter reiser utanfor Norden.

Grunngjeving:

Covid-19 er erklært som eit alvorleg utbrot av allmennfarleg smittsam sjukdom som kan få alvorlege helsekonsekvensar for mange menneske. Sjukdomen er òg erklært som ein pandemi og ei alvorlig hending av tyding for internasjonal folkehelse av WHO.

Helsedirektoratet vedtok 12.03.20 omfattande tiltak for å hindre spreiding av Covid-19 og for å bidra til å halde i hevd naudsynte helse- og omsorgstenester. Her vert det mellom anna sagt:

"Helsedirektoratet ønsker at innanlands transport skal gå mest mulig som normalt, men vi oppfordrar sterkt alle til å unngå fritidsreiser. Vi oppfordrar til å unngå reiser som ikkje er strengt nødvendig (både innanlands og utanlands), unngå offentlig transport viss du kan, unngå andre steder kor du lett kommer nær andre, unngå nærkontakt med andre."

Covid-19 epidemien har i dag ulikt omfang i Noreg. Folkehelseinstituttet har uttalt at epidemien no har gått over i ei ny fase der ein ikkje har klart å identifisere smitteskjedda for alle som vert sjuke. Dette inneber at ikkje alle nye smittetilfelle lenger let seg spore til utlandet.



SELJORD KOMMUNE

I vår region er smittepresset framleis lågt, og alle kjente smittetilfelle kan sporast. Kommuneoverlegen ser det som avgjerande å redusere smittepresset frå utanfor regionen.

Regionen er prega av små lokalsamfunn og lange avstandar, og kritiske samfunnsfunksjonar vil vere ekstra utsett her ved ein omfattande epidemi. Kommunane generelt og helse- og omsorgstenesta spesielt har begrensa kapasitet.

Kommuneoverlegane ser dette vedtaket som ei naturleg følgje av Folkehelseinstituttet sine tilrådingar, og Helsedirektoratet sitt nasjonale vedtak. I den noverande situasjonen er det naudsynt å førebyggje og motverke spreiding av covid-19 og det er avgjerande å få satt i verk tiltak raskt. Tiltaket vert vurdert som naudsynt både for å beskytte sårbare grupper og for å halde i hevd naudsynt kapasitet i helsetenesta.

Forbodet gjeld for dei nemnde kommunane ovanfor med mindre anna særskilt vert bestemt.

Kommuneoverlegane vurderer at smitteverntiltaket har ei medisinskfagleg grunngeving, er naudsynt av omsyn til smittevernet og for å halde i hevd tilstrekkeleg smittvernkapasitet i kommunen og i helse- og omsorgstenesta. Tiltaket vert difor vurdert som forholdsmessig og tenleg utifrå ei heilskapsvurdering.

Etter kommuneoverlegane si vurdering vil den samfunnsmessige nytta ved smitteverntiltaket overstige den belastning og ulempe for dei tiltaket gjeld. Frivillig medverknad er vektlagt i vurderinga.